

ՏԱՐՈՆԻ ԵՎ ՍԱՍՈՒՆԻ ՄԱՄԻԿՈՆՅԱՆՆԵՐ-ԹՈՌՆԻԿՅԱՆՆԵՐԸ
(XI—XII դդ.)

Է. Լ. ԳԱՆԻԵԼՅԱՆ

X դարի երկրորդ կեսին Տարոնը մաս առ մաս կցվեց Բյուզանդիային¹, վերածվելով ռազմա-վարչական միավորի, որը, Հայաստանում զավթած այլ շրջանների հետ, կայսրությանը ծառայեցրեց իր հեռագա նվաճողական ծրագրերի իրականացմանը²։ Պատահական չէր, որ մի առ ժամանակ անց, բացի այլ տերիտորիաներից, կայսրությունը տիրացավ նաև Վասպուրականին³։ Իսկ մինչ այդ՝ 1000 թ. Վասիլ II-ը (976—1025) գործնական քայլի դիմեց ներկերտի սահմանափակումը ևս կայսրության քաղաքական ոլորտը ներգրավելու ուղղությամբ, ինչպես երևում է Ասողիկի մի հաղորդումից. «Ամիրայն նփրկերտոյ բուերորդի Բատին եկն առ նա (Վասիլ II—է. Գ.) ի քաղաքն Երիդայ (Արշամունիքի—է. Գ.) և արքունատուր ընծայիւք սլատուեալ զնա՝ տալ նմա զմա-ժիստութեան պատին։ Եւ հրամայէ զօրացն Չորրորդ Հայոց և Տարոնոյ՝ զնական լինել նմա յոր պէտս և կոչեսցէ»⁴։ Կարծում ենք, որ X դարի վերջին և XI դարի առաջին տասնամյակներին, վերը նշված շրջաններից առնվազն Տարոնի բյուզանդական ղորահրամանատարը Գանձին էր, որի մասին Մատթեոս Ուռհայեցին գրում է. «Յայսմ ժամանակի (XI դարի 30-ական թթ. կեսերին— է. Գ.) ղորաժողով արար իշխանն Հայոց Դանձի և զնացեալ էառ զքաղաքն Բերկրի յարեւելս՝ ի Պարսից և կոտորեաց առ հասարակ զամենայն քաղաքն և ի սուր սուսերի մաշեաց զօրսն Տաճկաց... Եւ այսպիսի պատերազմաւ անհոգացեալ կային զօրքն Հայոց և էին ի մեծ զինարբութեան. և հտորիկն, որ է սմիրայ քաղաքին Բերկրոյ, և սորա տեսեալ զանապատաստութիւն զօրացն Հայոց, զրեաց ի քաղաքակիցսն իւր զալ ի յօգնութիւն իւր... և սպանաւ յաւուրն յայնմիկ մեծ իշխանն Հայոց Դանձի, և մնաց Տաճատ ի տան հայրենեաց իւրոց որդի նորա և Գանձի և ամենայն զօրքն իւր անկան ի քաղաքին Բերկրի»⁵.

¹ «Անտեփանոսի Տարոնեցոյ Ասողկան Պատմութիւն Տիեզերական», Պետերբուրգ, 1885, էջ 183; Տե՛ս մեր՝ «Տարոնը հայ-բյուզանդական հարաբերություններում (IX դարի երկրորդ կես—X դար)», «Պատմա-բանասիրական հանդես», 1978, № 1, էջ 125—140։

² Հմմտ. P. Charanis, The Armenians in the Byzantine Empire, Lisbon, 1963 էջ 49; K. N. Yuzbashian, L'Administration Byzantine en Arménie aux Xe — XIe siècles, «Revue des Études Arméniennes», Nouvelle Série, t. X, Paris, 1973—1974, էջ 113 և 116։

³ Հմմտ. Հ. Բարթիկյան, Գրիգոր Մաղիստրոսի քաղաքական կողմնորոշման հարցի շուրջը (տե՛ս «Էջեր հայ ժողովրդի պատմության և բանասիրության», Երևան, 1971), էջ 64։

⁴ Ասողիկ, էջ 276։

⁵ Մատթեոս Ուռհայեցի, Ժամանակագրութիւն, Վաղարշապատ, 1898, էջ 74—75։ Որոշ նկատողողներ Դանձին համարում են Բերկրի կառավարիչ (տե՛ս E. Honigmann, Die Ostgrenze des Byzantinischen Reiches, Bruxelles, 1935, էջ 172։ Ա. Ալպոյաճյան, Պատմական Հայաստանի սահմանները, Գահրե, 1950, էջ 243։ Ա. Տեր-Ղևոնդյան, Արաքսական սահմանափակումները Բագրատունյաց Հայաստանում, Երևան, 1965, էջ 201։

Հայտնի է, որ բյուզանդացիները ստիպված են եղել Բերկրին գրավել մի քանի անգամ՝ Ռոմանոս III Արգիրոս (1028—1034) և Միքայել Պափլագոնացի (1034—1041) կայսրերի ժամանակ⁶։ Քանի որ հլաթը և Բաղեշը գտնվում էին Մրվանյանների ձեռքում⁷, կայսրության համար ավելի հարմար էր վասսուրականի հետ կապ պահպանել Վանա լճի հյուսիսային և հյուսիս-արևելյան առափնյա շրջանների վրայով։ Այդ շրջանների գրավումը ավելի դյուրին էր, քանի որ Հարթը և Ապահունիքը⁸ Դավիթ Կյուրապաղատի մահից հետո անցել էին կայսրությանը⁹։ 1023—1026 թթ. Նիկեփոր Կոմմենոսը գրավեց Արճնշը¹⁰, որից հետո կայսրությունը մտահոգվեց խիստ կարևոր ռազմատարածադաշնային նշանակություն ունեցող Բերկրիի գրավման գործով։ Բյուզանդական զորքերի արշավանքներն այդ ուղղությամբ զլխավորել են Նիկողայոս (Քրիսելիոս) Բուլղարը, Կոստանդին Կավասիլասը, Նիկետաս Պեգոնիտեսը¹¹։ Լաստիվերտցու շարադրանքից երևում է, որ այդ արշավանքներից մեկի ժամանակ, որը տեղի ունեցավ Միքայել IV-ի օրոք, Վասսուրականի թեմի կառավարիչ Կավասիլասից հետո Բերկրի է գալիս մի այլ անձնավորություն¹²։ Այնուհետև, վերցնելով պորբի մի մասը, նա հեռանում է Արծակ («վասն առատութեան դարմանին և այլ պիտոյից հեծելոց»)¹³, որտեղից, ինչպես երևում է պատմիչի հաղորդումից, օղնության չի հասնում Բերկրին պաշարող բյուզանդական զորքի մնացած մասին, երբ վերջինիս վրա, քաղաքի բերդում փակված հտրիկի սադրանքով, հանկարծակի հարձակվում են թշնամիները և կոտորում¹⁴։

4. Յուզբաշյանը Արծակը նույնացնում է Արծկեի հետ¹⁵։ Անհրաժեշտ է

Կ. Yuzbashian. նշվ. աշխ., էջ 150)։ Սակայն Ուոհայեցու հաղորդումից պարզ երևում է, որ Գանձին արևմտյան մի շրջանից էր ղորածղով արել և գնացել արևելք՝ դեպի Բերկրի։

⁶ N. Adontz, Samuel l'Arménie roi des Bulgares. «Etudes Armeno-Byzantines» (այսուհետև՝ EAB), Lisbonne, 1965, էջ 397, տե՛ս նաև՝ Հ. Բաբիկյան, նշվ. աշխ., էջ 69—70։

⁷ Տե՛ս E. Honigmann, նշվ. աշխ., բարտեղ IV։

⁸ Ինչպես չէլտ նշում են հետազոտողները, Վասիլ II-ի կողմից Վարդ Սկլերոսի ապստամբության ժամանակ Դավիթ Կյուրապաղատին առաջարկած հողերից (որոնք թվարկում է Ասողիկը) կայսրությանը չէին պատկանում Ապահունիքը և Հարթը, որոնք Դավիթը գրավեց միայն X դարի վերջին (տե՛ս N. Adontz, Tornik le Moine, EAB, էջ 304։ Р. Бартикап, О феме Иверия, ЗВШЗ ФИ «Литература» (հաս. գիտ.), 1974, № 12, էջ 71—72), սակայն իր այլ կալվածքների շարքում ստիպված եղավ կտակելու կայսրությանը։

⁹ Տե՛ս նաև մեր՝ «Մանագկերտը արաբա-բյուզանդական հակամարտության ոլորտում (IX դարի երկրորդ կես—X դար)», «Պատմա-բանասիրական հանդես», 1971, № 1, էջ 153—167։

¹⁰ E. Honigmann, նշվ. աշխ., էջ 171։

¹¹ Տե՛ս նույն տեղում, էջ 172։ R. Grousset, Histoire de l'Arménie des origines à 1071, Payot, Paris, 1947, էջ 563—564 և այլ)։

¹² Նա պետք է նշանակված լիներ բերդը պաշարող բյուզանդական զորքի զլխավոր հրամանատար։

¹³ «Պատմութիւն Արիստակեսի Լաստիվերտցոյ», աշխ. 4. Յուզբաշյանի, Երևան, 1963, էջ 45։

¹⁴ Նույն տեղում։ 4. Յուզբաշյանը գտնում էր, որ Ուոհայեցու հիշատակած, այդտեղ գրեցված Գանձինի կարելի է նույնացնել Նիկողայոս Քրիսելիոս Բուլղարի հետ (տե՛ս «Повествование вардапета Аристакэса Ластивертци»; перевод с древнеармянского, вступительная статья, комментарии и приложения К. Н. Юзбашяна, М., 1968, էջ 153)։ Սակայն նետագայում վերանայելով իր այդ կարծիքը նշում է, որ դրանց չպետք է նույնացնել (Կ. Yuzbashian, նշվ. աշխ., էջ 150)։

¹⁵ «Повествование вардапета Аристакэса Ластивертци», էջ 153, 166, 186։

նշել, որ Արիստակես Լաստիվերտցին շուտանձին հիշատակում է թե՛ Արծակը¹⁶ և թե՛ Արծկեն, վերջինիս մասին նշելով՝ «որ է ի մէջ ծովուն Բզնունեառ»¹⁷։ Արծակը հիշատակում է նաև Ղաղար Փարպեցին Բագրևանդում, Բերդկունս դյուղի մոտ, այն նույնպես տարբերելով Արծկեից, որը «ի գաւառէն Բզնունեաց»¹⁸։ Ղ. Ալիշանը կարծում է, որ Ալաշկերտի (Վաղարշապետ) գավառում գտնվող ներկայիս Խարապա-դուլի (Բերդ ավեր) լեռան անունը կապ ունի Բերդկունս հին գյուղի անվան հետ¹⁹։ Մեծանուն հայագետը, հիմնվելով Ղևոնդի մի հաղորդման վրա²⁰, նշում է. «նոյն թուի սա (Արծակ— է. Դ.) և ընդ Արձնի գեղջ»²¹։ Ըստ երևույթին Արծակը և Արձնին իրոք իրարից հեռու չէին՝ երկուսն էլ գտնվելով Ղևոնդի հիշատակած արքունի պողոտայի Բագրևանդով անցնող հատվածի վրա²²։ Առաջինը, ըստ Ղ. Ալիշանի վերոհիշյալ ենթադրության, կարող էր համապատասխանել ներկայիս Խարապա-գալի լեռան հարավ-արևմուտյան լանջին գտնվող ավերակներից մեկին։ Իսկ երկրորդը կարող էր գտնվել ներկայիս Խաշու գյուղի շրջակայքում, քանի որ Արձնի անունը, ըստ երևույթին, պահպանվել է այդտեղ գտնվող «Արզնույ» մարգագետին անվան մեջ, որը հիշատակում է Ս. Հայկունին²³։ Հետագա ուսումնասիրողները ևս Արծակը և Արծկեն չեն նույնացնում²⁴։

Ղ. Ինձիճյանը դեռևս ժամանակին նման ենթադրություն էր արել, թվում է թե հենվելով Լաստիվերտցու ինչ-որ մի ձեռագրի վրա, սակայն հնարավոր է, որ ինքն է բացատրելու համար այդտեղ Բերկրի տեղանունը ավելացրել (կամ գուցե մինչ այդ ավելացվել էր. «Երթեալ դադարեաց հեռագոյն ի Բերկրոյ՝ ի տեղուջ ուրեք, որ կոչի Արծակ», տե՛ս Ղ. Ինձիճեան, Նտորագրութիւն հին Հայաստանեայց, Վենետիկ, 1822, էջ 123)։ Եթե նույնիսկ Ղ. Ինձիճյանն այդպիսի ձեռագրի է հանդիպել, ապա այդ տարբերակից նույնպես ուղղակի հետևում է, որ Կավասիլասից հետո եկածը, վերցնելով զորքի մի մասը, գնաց և իջևանեց Բերկրից հեռու գտնվող մի վայրում, որպիսին էր նշվող Արծակը։ Ինչպես տեսնում ենք, Ղ. Ինձիճյանը վրիպում է իր այդ ենթադրության մեջ։ Իսկ Գ. Մանուկյանը թյուրիմացաբար գրում է, որ Լաստիվերտցու պատմության Ղ. Ինձիճյանի օգտագործած ձեռագրում Արծակը Բերկրիում ինչ-որ տեղ է համարված (Գ. Մանուկյան, Արիստակես Լաստիվերտցի, Երևան, 1977, էջ 196)։ Գ. Նանուկյանը, միանալով Ա. Տեր-Ղևոնդյանի հայտնած կարծիքին (Ա. Տեր-Ղևոնդյան, նշվ. աշխ., էջ 201), նշում է, որ «Արծակ կոչվածը իսկապես Արձակն է»։ Սակայն հարկ չկա պատմիչի հաղորդումը աղավաղելու, քանի որ Արծակի տեղը քաջ հայտնի է։ Գ. Մանուկյանը սխալվում է նաև նշելով, որ Խտրիկը Արծակում պարտվեց (նշվ. աշխ., էջ 96)։ Ինչպես հաղորդումից երևում է, Խտրիկը գործեց Բերկրիի միջնաբերդից, իսկ Արծակ հեռացած բյուզանդական զորավարը օգնության չհասավ Բերկրիի պատերի տակ կոտորվածներին։

16 Արիստակես Լաստիվերտցի, էջ 48։

17 Նույն տեղում, էջ 94։

18 «Ղաղարայ Փարպեցոյ Պատմութիւն Հայոց և թուրք առ Վահան Մամիկոնեան», աշխատութեամբ Գ. Տէր-Մկրտչեանի և Ստ. Մալխասեանի, Տիֆլիս, 1904, էջ 23. 61։

19 Ղ. Ալիշան, Այրարատ, Վենետիկ, 1890, էջ 535։

20 «...պողոտայն արքունի ընդ գաւառն Ապահունիս։ Հասանէին ի գաւառն Բագրևանդ ի դիւղ Արձնի» («Պատմութիւն Ղևոնդեայ մեծի վարդապետի Հայոց», Ս. Պետերբուրգ, 1887, էջ 148)։

21 Ղ. Ալիշան, Այրարատ, էջ 535։

22 Այդ ճանապարհը անցնում է այն լեռնաշղթայով, որը այժմ անվանվում է Շահիյոլ (Բառացի՝ շահի ճոճնապարհ, այսինքն՝ արքունի պողոտա)։

23 Ս. Հայկունի, Բագրևանդ ջրաբաշխ դառու, մասն Ա, էջմիածին, 1894, էջ 123։

24 Լ. Ն. Էփրիկյան, Բնաշխարհիկ բնութարան, հատ. Ա, Վենետիկ—Ս.—Ղազար, 1903—1905, էջ 302—304։ Ս. Տ. Երեմյան, Հայաստանը ըստ «Աշխարհացոյց»-ի, Երևան, 1963, էջ 39։ Օ. Օ. Карагезян, Локализация урартского царского города Арзашку, ՀՍՍՀ ԳԱ «Լրաբեր» (հաս. գիտ.), 1976, № 5, էջ 67։

Զորքի մյուս մասը, որ Արծակ հեռացածներից հետո մնացել էր: միջնաբերդի պարիսպների տակ, ինչպես վերև ասվեց, կոտորվում է պաշարվածներին օգնության հասած ալլազգիների կողմից: Քանի որ Ուռհայեցին և Լաստիվերտցին նշում են, որ ալլազգիներին կանչում է միջնաբերդում գտնվող խրտրիկը, ուրեմն նրանք միևնույն դեպքի մասին են խոսում, որի ժամանակ էր գործում Ուռհայեցու հիշատակած Գանձին: Հետևաբար Գանձին պետք է փրկվեր միջնաբերդի պատերի տակ կոտորվածների մեջ: Գանձին, լինելով բյուզանդական ծառայության մեջ գտնվող հայ իշխաններից²⁵, թերևս, իր իշխանության տակ գտնվող տերիտորիայից զորաժողով էր արել և եկել առևելք, անցնելով Բերկերի վրա գրոհող բյուզանդական զորքի ղորավարի ընդհանուր հրամանատարության տակ: Այնտեղ էլ բյուզանդական զորքի մի մասի հետ (մյուս մասը, ինչպես նշվեց, բյուզանդական զինավոր հրամանատարի հետ հեռացել էր Արծակ) կոտորվում է նաև «իշխան Հայոց» Գանձի զինավորած հայկական զորաջոկատը իր հետ միասին:

Գանձին պետք է ժամանակակից լիներ Ուռհայեցու հիշատակած Մուշեղը²⁶, որը Սասունի իշխան Թոռնիկի հայրն էր²⁷: Ինչպես նշել են հետազոտողները, Թոռնիկը Գրիգոր Մագիստրոսի նամակների հասցեատերն էր, որին Մագիստրոսը Մամիկոնյան իշխան է անվանում²⁸: Ուռհայեցին հիշատակում է նրան որպես Գրիգոր Մագիստրոսի որդուն՝ Գրիգոր Վկայասերի փեսա²⁹:

3. Մարկվարտը հարցականի տակ նշում է, որ Մուշեղը Հովհաննես-Թոռնիկի (որը Տալքի Մամիկոնյաններ-Թոռնիկյաններից էր) եղբորորդի, 990 թ. սպանված Զորղվանել մագիստրոսի որդին էր³⁰: Ն. Ակինյանին հավանական է

25 Տե՛ս մեր՝ «Թոռնիկյանների քաղաքական դերը X դ. հայ-բյուզանդական հարաբերություններում», ՀՍՍՀ ԳԱ «Լրաբեր» (հաս. գիտ.), 1977, № 10, էջ 72:

26 Հիշքի 423 թ. (1035—1036), երբ Վանի և Ոստանի վրայով անցնող մահմեդական «ուխտավորների» դեմ ընդվզեցին տեղի հայերը, նրանց օգնության հասած սասունցիներին, որոնք խլաթի տիրոջ (Մրվանյան ամիրայի) հետ խաղաղության ուխտ ունեին (Ա. Տե՛ր-Ղեվոնդյան, նշվ. աշխ., էջ 203), կարող էր զինավորած լինել Մուշեղը (կամ, որ ավելի քիչ հավանական է, նրա որդի Թոռնիկը):

27 Մատթեոս Ուռհայեցի, էջ 130:

28 «Գրիգոր Մագիստրոսի թղթերը», բնագիրն առաջաբանով և ծանոթագրություններով առաջին անգամ ի յուս ընծայեց Կ. Կոստանյանց, Ալեքսանդրապոլ, 1910, էջ 312—315: Ն. Ակինյան, Թոռնիկյանց ճյուղագրությունը, «Մատենագիտական հետազոտություններ», հատ. Դ, Վիեննա, 1938, էջ 49:

29 Մատթեոս Ուռհայեցի, էջ 207: Ինչպես ցույց է տվել Մ. Օրմանյանը, Թոռնիկը ոչ թե Վահրամի՝ Գրիգորի Վկայասերի աղջկա ամուսինն էր, այլ նրա «գերդաստանին փեսա ըլլալուն վրա կիմացվի, քանի որ Թոռնիկ ավելի ճիշդ առմամբ՝ Վահրամի քեռայր կկոչվի (Մագ. 316)» (Մ. Օրմանյան, Ազգագատում, Կ. Պոլիս, 1912, § 877): Ղ. Ալիշանը նշում է. «Ստուգության կարոտ և արժանի է այս խնամություն» («Շնորհալի և սլարագալութ», Վենետիկ, 1873, էջ 40, ծան. 1): Կ. Կոստանյանցը Թոռնիկին համարում է Դ. Մագիստրոսի փեսաներից մեկը (նշվ. աշխ., էջ 316):

30 J. Markwart. Sudarmenien und die Tigrisquellen, Wien, 1930, էջ 528: Ն. Աղոնցը ենթադրում է, որ Հովհաննես-Թոռնիկի մայրը (ուրեմն «առաջին» Զորղվանելի կինը՝ Մարիամը) Տարոնում բնակվող նրա շուրջ 935 թ. հիշատակվող «Իրն-Թոռնիկի» ղուստրն էր: Իսկ Աղոնցի կարծիքով Տարոնի և Բյուզանդիայի Թոռնիկյանները Բագրատունիներից էին սերում: Մուշեղի ընտանիքում Թոռնիկ և Զորղվանել անունների հայտնվելը Ն. Աղոնցը բացատրում է Մուշեղի ամուսնությամբ «առաջին» Զորղվանելի թոռան՝ Զորղվանել Մագիստրոսի դստեր կամ թոռան հետ (N. Adontz. Les Taronites en Arménie et Byzance, EAB, էջ 234—235):

թվում Չորդվանել մագիստրոսին նույնացնել «այն Չորտուանելի հետ, որ 970/2-ին նիդակակից եղած է Վասակ Պահլավունու»³¹։ Ուռհայեցին, որի տված տեղեկության վրա է հիմնում իր այդ կարծիքը Ն. Ակինյանը, Չորդվանելի և Վասակի մասին խոսում է այն իրադարձությունների շարքում, որոնք նա դնում է 970—972 թթ. միջև³²։ Սակայն, ինչպես ժամանակին ցույց է տվել Ղ. Ալիշանը, Վասակի հետ կապված անցքի թվականը ճիշտ է նշված Վարդանի մոտ³³։ «Ի չորեքհարիւր եօթանասուն (1021) թուին ել Տուղրիլ-Բեկն և պատահեաց նմա ի նախճաւանի կիպարիտն հինգ հազար հեծելօր, և փախեաւ յաշաղին բազմութենէն, և ի պալ թուրքին յ Պուին և սփռել ասպատակս, ել ընդդէմ նոցա քաջն Վասակ»³⁴, և ցուցեալ մեծ քաջութիւն դառնայ ի Սերկելի, և ի հանգչելն անդ սակաւ մի քնով՝ քարիւ հարեալ զգլուխն այր մի յանգէտս, մեռանի»³⁵։ Վարդանը, ճիշտ է, այստեղ չի խոսում Ուռհայեցու հիշատակած Չորդվանելի մասին, սակայն Վասակ Պահլավունու և կիպարիտ զորավարի մասին եղած հիշատակությունն ինքնըստինքյան պերճախոս է։

Ս. Տ. Երեմյանը նշում է, որ Վասակ Պահլավունու հետ 1021 թ. հիշատակվող Չորդվանելը նույն ինքը կիպարիտի քնոսրդի Չորդվանելն էր³⁶, որին հիշատակում է Մատթեոս Ուռհայեցին, այս անգամ արդեն 1048 թ. թուրքերի դեմ կռվողների թվում և որը գիշերային մի ճակատամարտում սպանվում է³⁷։ Ըսկ Վարդանը, նորից հիշատակելով Չորդվանելի անունը, համառոտ նկարագրում է այդ ասպատակությունը. «Գրիգոր որդի քաջին Վասակայ... առնու ընդ իւր զԱպիրատն զիշխանն Վրաց, և այլ ևս երկու Մաթիստոսս, և երկու ընդդէմ

31 Ն. Ակինյան, նշվ. աշխ., էջ 67։ Հմմտ. Մատթեոս Ուռհայեցի, Ժամանակագրություն, Թարգմանությունը, ներածությունը և ծանոթագրությունները Ն. Բարթիկյանի, Երևան, 1973, էջ 299, ծան. 34։

32 Մատթեոս Ուռհայեցի, էջ 7, 14։

33 Ղ. Ալիշան, Հայապատում, Վենետիկ, 1901, էջ 391, ծան. 7։ Հմմտ. «Գրիգոր Մագիստրոսի թղթերը», էջ ԻԷ և Լեո, Հայոց պատմություն, հատ. II, Երևան, 1947, էջ 666։ Ի դեպ, մեկ այլ տեղ Ն. Ակինյանը նշում է Ղ. Ալիշանի և Մարկվարտի կարծիքը, թե Վասակ Պահլավունուն Չորդվանելը նիդակակից եղավ 1021 թ. (նշվ. աշխ., էջ 82)։

34 Ղ. Ալիշանը բազմիցս ճիշտ նշում է, որ Վասակը Վախրամի եղբայրն էր և Գրիգոր Մագիստրոսի հայրը («Այրարատ», էջ 271, 332, 349, 391։ «Շնորհալի և պարագա լուր», Վենետիկ, 1873, էջ 24։ «Շիրակ», Վենետիկ, 1881, էջ 146), ուստի երկու տեղ եղած այն նշումը, որ Վասակը Գրիգոր Մագիստրոսի հորեղբայրն էր, իսկ Վախրամը՝ հայրը («Այրարատ», էջ 313, ծան. 3, էջ 315, ծան. 1) պետք է վրիպակ լինի։

35 «Վարդանայ վարդապետի Հաւաքումն պատմութեան», Վենետիկ, 1862, էջ 98։ Ինչպես գտնում է Հ. Մանանդյանը, որի հետ համաձայն է Ս. Երեմյանը, այս տեղեկությունը վերաբերում է գեղմիկների ներխուժմանը, որոնց բանակում կային նաև թուրք-սելջուկների զորքեր (Հ. Մանանդյան, Հայաստանի պատմությունը թաթարական արշավանքների շրջանում, Երևան, 1922 (ձեռագրի իրավունքով), էջ 28, Ս. Տ. Երեմյան, կիպարիտ զորավարը և նրա նախորդները, Ն. Մառի անվան կաթինետի «Աշխատություններ», N 2, Երևան, 1947, էջ 122—123)։

36 Ս. Տ. Երեմյան, նույն տեղում։

37 Մատթեոս Ուռհայեցի, էջ 107—108։ Ղ. Ալիշանը նշում է, որ գուցե «Գորգ Չորտվանել աղատ, այսինքն աղնվական, նիդակակից Վասակա Պահլավունո իոր Գր. Մագիստրոսի, համին 1021, ըլլա Վիգենի պապուն պապն, զի տարիէն հարմար է. և ըստ այսմ կըլլա դա հայր Մուշեղի» (Ղ. Ալիշան, Հայապատում, Վենետիկ, 1901, էջ 391, ծան. 7)։ Նշենք, որ Չորդվանելը ոչ թե Սասունից պետք է լիներ, այլ Տայքից։ Սասունում XI դարի առաջին կեսին Սասունի Մամիկոնյաններ-Թոռնիկյաններից իշխում էին Մուշեղը. այնուհետև Թոռնիկը, որի որդին՝ Չորդվանելը, հանդես եկավ միայն XI դարի երրորդ քառորդում։

Բրեհիմայ զօրագլխի Տուղրիլ-Բեգ սուլտանին. ուր ըմբռնեցավ Լիպարիտն և ածաւ առ սուլտանն»³⁸: Այնուհետեւ երկու պատմիչներն էլ հաղորդում են Լիպարիտի ազատվելու և վերադարձի մասին³⁹:

Ինչպես տեսնում ենք, Հովհաննես-Թոռնիկի եղբորորդի Չորղվանել մագիստրոսին իրոք չպետք է նույնացնել⁴⁰ Վասակ Պահլավունուն 1021 թ. դինակ-ցած Չորղվանելի հետ, որը կարող էր նույն ինքը Լիպարիտ զորավարի քրոջ որդին լինել (սպանվեց 1048 թ.)⁴¹:

Ն. Ակինյանը (հավանաբար, Յ. Մարկվարտի վերոբերյալ ենթադրությանը հետևելով) Մուշեղի մասին մի տեղ նշում է. «Կերևա թե հորը (ըստ գիտնականի՝ Չորղվանել մագիստրոսի — է. Դ.) սպանութենեն ետքը ի Սասուն տալա-տարան գտավ և տիրացավ երկրին»⁴²: Իսկ մի այլ տեղ, հիմնվելով Ասողիկի հաղորդման վրա («Տարօնոյ⁴³... Հոռոմք տիրեցին») ⁴⁴, գրում է. «Ինձի կ'երեվա իշխանութլւն գլուխ կարգվեցավ Ասուղամրի (սկստք է լինի Ասուղանեմի — է. Դ.) թոռը, Թոռնիկի որդին, որ ըլլա թերևս Մուշեղ (կամ անոր հանվանի անձանոթ հայրը)»⁴⁵: Ըստ նրա Մուշեղը մի դեպքում Տայքի-Դերջանի Մամիկոնյաններ-Թոռնիկյանների ճյուղին էր պատկանում⁴⁶, իսկ մյուս դեպքում՝ Տարոն-Սասունի:

³⁸ Վարդան, էջ 99: Ինչպես արդեն նշում է Կ. Կոստանյանցը, հիմնվելով Լաստիվերտցու (էջ 80) և Ուոհլեցու (էջ 107) հաղորդումների վրա, Լիպարիտը օգնության էր եկել բյուզանդական բանակին, որի հրամանատարներ Մոնոմախոս կայսրը (1042—1055) կարգել էր Կատակալոնին, Ահարոն Բուլղարին և Գրիգոր Մագիստրոսին (նշվ. աշխ., էջ 107):

³⁹ Մատթեոս Ուոհլեցի, էջ 108: Վարդան, էջ 99:

⁴⁰ Ուրեմն նաև չի ապացուցվում Ն. Ակինյանի հաջորդ թեզը, թե «Չորղվանելի այս նիզակակցությունը Վասակ Պահլավունվո հետ կը թելադրի խորհիլ. թե արդյոք այս շրջանն չէ՞րնձուղած Պահլավունյաց և Թոռնիկյանց միջև այն խնամիական կապը, որուն մասին կականարկե 1072-ին Փիլարտոս ուղղելով իր խոսքը Գրիգոր Վկայասեր կաթողիկոսին, «թէ քո փեսայ է Թոռնիկն. գնա եւ կոչեա զնա ինձ ի հնազանդութիւն: Ուռհ. 207» (Ն. Ակինյան, նշվ. աշխ., էջ 67—68):

⁴¹ Նշենք, որ Ն. Ակինյանը լավ ծանոթ է Ուոհլեցու հաղորդմանը Լիպարիտի քեռորդի Չորղվանելի մասին, վերջինիս անվանելով «Չորղվանել Ե» (նշվ. աշխ., էջ 73):

⁴² Ն. Ակինյան, նշվ. աշխ., էջ 68: Դիտնականը նման եղբակացության կարող էր զալ, նկատի ունենալով այն, որ, ինչպես Ասողիկի մի հաղորդումից (էջ 251) ինքն է եղբակացում. «Չորղվանելի իշխանութլունը կը տարածուի Տարոնեն մինչև Դերջան» (Ն. Ակինյան, նշվ. աշխ., էջ 61, համառ. N. Adontz, EAB, էջ 146): Անհրաժեշտ է նշել, որ ինչպես ցույց է տվել հենց ինքը Ն. Ակինյանը (նույն տեղում, էջ 49—76), Չորղվանել մագիստրոսը Տայքի Մամիկոնյաններ-Թոռնիկյանների ճյուղին էր պատկանում: Իսկ մինչ ապստամբությունը Տարոնում նա կարող էր հանդես գալ միայն որպես բյուզանդական պաշտոնյա, որի իշխանության հիմնական նեցուկը հանդիսանում էր Դերջանը, որը, ըստ երևույթին, նրա հայրենական կալվածքն էր:

⁴³ Ն. Ակինյանը փակագծում ավելացնում է. «Անշուշտ, միաժամանակ Սասուն» (էջ 82): Ի. Գրուսսեն Մուշեղին ուղղակի նշում է Տարոնի և Սասունի տեր, բյուզանդիայի սյուլեռենության տակ (R. Grousset, նշվ. աշխ., էջ 491): Սակայն, ինչպես ցույց են տալիս փաստերը, Սասունը ընդհանրապես չէր անցել կայսրությանը: Այս տեսակետից իրավացի է Ա. Կազդանը նշելով, որ Մատթեոս Ուոհլեցու շարադրանքը բավականին հիմք չի տալիս Մուշեղի որդի Թոռնիկին համարելու բյուզանդական կուսակալ, ինչպես կարծում է Ն. Ակարալանովիչը (Н. А. Скабаланович, Византийское государство и церковь в XI веке, СПб, 1884, էջ 198 և հտ. տե՛ս А. П. Каждан, Армяне в составе господствующего класса Византийской империи в XI—XII вв., Ереван, 1975, էջ 53):

⁴⁴ Ասողիկ, էջ 183:

⁴⁵ Ն. Ակինյան, նշվ. աշխ., էջ 82:

⁴⁶ Հմմտ. «Հայ ժողովրդի պատմություն», հատ. 3, Երևան, 1976, էջ 484:

Իրավացի է ն. Ակինյանը Ապոգանեմի և նրա որդի Թոռնիկի ճյուղը Մամիկոնյան համարելով, սակայն նա Մամիկոնյան է համարում նաև Միրանածինի կողմից X դարի առաջին կեսին Տարոնում հիշատակվող Գրիգորիկ իշխանի ճյուղը⁴⁷։ Իսկ Յ. Մարկվարտը, Ն. Ադոնցը և այս հարցում նրանց հետևողները, տարբեր ձևով, սրանց բոլորին Բագրատունի են համարում⁴⁸։ Ինչպես բնեւել և նշել ենք, Կոստանդին Միրանածինի կողմից Տարոնում հիշատակված անձանցից⁴⁹ իրոք Բագրատունի էր միայն Գրիգորիկ Տարոնացու և նրա որդիների՝ Բագարատի և Աշոտի ճյուղը, իսկ Մամիկոնյան-Թոռնիկյանների ճյուղին էր պատկանում Ապոգանեմի, նրա որդի Թոռնիկի և նրանց ժառանգների ընտանիքը։ Այսինքն, X դարի առաջին կեսին, մինչև Բագրատունիների հեռանալը (960-ական թթ.), Տարոն—Սասունի տարբեր մասերում իշխում էին Տարոնի Բագրատունիները, որոնք այդտեղ հաստատվել էին IX դարի առաջին տասնամյակին, և Տարոն—Սասունի Մամիկոնյաններ-Թոռնիկյանները, որոնք իրենց հայրենական կալվածքներում սկսել էին ակտիվանալ IX դարի երկրորդ կեսից⁵⁰։

Վերադառնալով ն. Ակինյանի վերոհիշյալ դիտողություններին, կարելի է տեսել, որ նա ավելի հսկված է իր երկրորդ կարծիքին։ Այդ երևում է նաև այն բանից, որ նա, խոսելով Մուշեղի որդի Թոռնիկի մասին, այնուհետև նշում է. «Սասնո Թոռնիկյան ճյուղը առանց տարակուսի ընձյուղած է Տարոնի Թոռնիկյան բունեն»⁵¹։

Ն. Ադոնցի կարծիքով, Մամիկոնյաններն իրենց հին կալվածքներում նորից երևացին Տարոնի Բագրատունիների վերացումից հետո⁵²։ Նա գտնում է, որ Մամիկոնյանների մի ճյուղը, որից սերում էր Մուշեղի ընտանիքը, Տարոնի Բագրատունիների հզորանալու ժամանակ պահպանվել էր Արածանիի ստորին հոսանքի շրջանում և որ այդ ճյուղի ներկայացուցիչներն էին Միրանածինի հիշատակած Մանվելը և նրա որդիները, ինչպես նաև Վասակն ու Էրա եղբայրները, որոնք հեռացան Բյուզանդիա դեռևս լեոն VI (886—912) կայսեր օրոք⁵³։

47 Ն. Ակինյան, նշվ. աշխ., էջ 76—80։

48 J. Markwart. նշվ. աշխ., էջ 495; N. Adontz. EAB, էջ 252: «Հայ ժողովրդի պատմություն», հատ. 3, էջ 83—86 և այլն։ Ա. Ալպոյաճյանը այս հարցերի կապակցությամբ, առանց քննելու, մեկ հենվում է ն. Ակինյանի, մեկ ն. Ադոնցի տեսակետների վրա, որոնք, ինչպես տեսնում ենք, իրարամերձ են։ Ա. Ալպոյաճյանը գալիս է հետևյալ եզրակացության. «Ուրեմն պետք է ընդունել թե այս Թոռնիկը՝ Ապուղամրի թուան զավակն է կամ բոլորովին տարբեր անձ մը հին տանուտեր Մամիկոնյաններեն սերած և կամ ընդունել թե Ապուղամրի ընտանիքը խնամիացած է Մամիկոնյան ընտանիքին հետ և իրենց զավակները նկատված են որքան Բագրատունի. նույնքան Մամիկոնյան» (նշվ. աշխ., էջ 155)։ Ինչպես տեսնում ենք, Ա. Ալպոյաճյանն այս ճյուղերի մասին որոշակի կարծիքի չի հանգում։

49 Constantine Porphyrogenitus. De Administrando Imperio, Greek text ed. by Gy. Moravcsik, English transl. by R. J. H. Jenkins. Budapest. 1949, գլ. 43 (այսուհետև՝ D. A. I.)։

50 Տե՛ս մեր վերոհիշյալ հոդվածները՝ «Լրաբեր», 1977, № 10, էջ 65 և «Պատմա-բանասիրական հանդես», 1978, № 1, էջ 125—140։

51 Ն. Ակինյան, նշվ. աշխ., էջ 49։

52 Գիտնականի այս տեսակետը հիմնված է այն բանի վրա, որ նա, ինչպես նշվեց, թե Գրիգորիկի և թե՛ Ապոգանեմի ու նրա որդի Թոռնիկի ճյուղերը Բագրատունի է համարում։

53 N. Adontz. EAB, էջ 235: Հստ Միրանածինի. Մանվելը Դեգիբի իշխանն էր (տե՛ս P. Charanis. նշվ. աշխ., էջ 29, 48). իսկ Վասակը իր երկու եղբայրների հետ փախստական էր Մելիտենեում (D. A. I, 50. 115—120, 139—144)։

Ադոնցը նույն տեղում նշում է, թե քանի որ Մուշեղի որդի Թոռնիկը հաև Աշմուշատ բերդի տերն էր համարվում, ուրեմն կարելի է կարծել, որ Մուշեղի ընտանիքը ծագում էր Մամիկոնյանների հիշված ճյուղից, որն այնուհետև բաշվելու պահպանվել էր Սասունի լեռներում⁵⁴:

Իրավացի է Հ. Մանանդյանը, երբ խոսելով XI դարի երկրորդ կեսին տեղի ունեցած ղեպքերի մասին, հատկապես նշում է. «Հայաստանի հարավում հայկական անկախ երկիր էր Սասունի իշխանությունը, որի մեջ էին գտնվում այս ժամանակ Հանձիթ գավառի որոշ մասերը, Աշմուշատ կամ Արշամաշատ քաղաք-բերդը և Տարոն գավառի մի մասը»⁵⁵, Իսկ Մ. Հովհաննեսյանը ավելի էոնկրետ գրում է, որ Աշմուշատը Սասունի իշխանական տանն անցավ Թոռնիկի ժամանակ, երբ Բյուզանդական կայսրությունը դժվարին օրերու էր ապրում⁵⁶: Ինչպես տեսնում ենք միայն XI—XII դդ. կապակցությամբ կարելի է առաջժամ ստույգ ասել, որ Աշմուշատը Սասունի իշխանական տան ձեռքում է եղել⁵⁷: Իսկ մինչ այդ այնտեղ կարող էին Տարոն—Սասունի Մամիկոնյանների շառավիղներից լինել, սակայն հիմք չկա ենթադրելու, թե Մամիկոնյաններն այս դարերի ընթացքում Սասունից լրիվ հեռացել էին և նորից վերադարձել: Սասունը այն բնականորեն պաշտպանված լեռնային կղզին էր, որը պատըսպարեց Մամիկոնյանների տան անդամներին ամենից ծանր պահերին:

Եթե Ծիրանածինի հիշատակած անձինք, որոնց մասին խոսում է նաև Ադոնցը, Մամիկոնյաններ էին, ապա նրանց և Մուշեղի ընտանիքների միջև եղած կապը պետք է լիներ այն, որ գուցե բոլորն էլ Տարոն—Սասունի Մամիկոնյաններից էին սերում, սակայն առաջինները կամ նրանց նախնիները այդտեղից հեռացել էին շատ ավելի վաղ:

Անհրաժեշտ է նշել, որ Չորրորդ Հալքում, որի կազմի մեջ էր մտնում Արածանիի ստորին հոսանքի շրջանը, Զաքարիա կաթողիկոսի ժամանակ (855—876) «տարոնացիներ» են հիշատակվում⁵⁸: Ն. Ադոնցը կարծում է, որ Սևի—Շիրակի Բագրատունիներից տարբերելու համար Տարոնի Բագրատունիներին անվանում էին «Տարոնիտ»—տարոնացի⁵⁹: Ինչպես տեսնում ենք, այս

⁵⁴ Հմմտ. Ա. Ալպոյաճյան, նշվ. աշխ., էջ 152:

⁵⁵ Հ. Մանանդյան, Քննական տեսություն հայ ժողովրդի պատմության, հատ. Գ, Երևան, 1952, էջ 76: Ըստ երևույթին, Հ. Մանանդյանը նկատի ունի, որ Տարոնի մյուս մասը, մինչև Մանաղկերտի ճակատամարտը, Բյուզանդիայի տիրապետության տակ էր, որտեղ և, ինչպես կարծում ենք, պետք է իշխեր (սկզբնական շրջանում տարածքի ավելի լայն, Իսկ հետագայում սակաւ ընդգրկումով) Գանձիից սերող ճյուղը, որի մասին ստորև կխոսենք: Նույն էջում պետականի արած նշումը, որ Թոռնիկը մահացավ 1078 թ., քիչ հավանական է թվում: Ուշայեցին Թոռնիկի եղբրական մահը դնում է այն ղեպքերի շարքում, որոնք նկարագրում է ՇԽԱ և ՇԻԳ թթ. միջև (Մատթեոս Ունհայեցի, էջ 205—211), ուրեմն այդ պետք է տեղի ունեցած լիներ մոտ 1072/3 թ. և Կոստանյանցը նշում է 1073 թ. (նշվ. աշխ., էջ 313): Նշված է նաև 1075 թ. («Հայ ժողովրդի պատմություն», հատ. 3, էջ 485):

⁵⁶ Մ. Հովհաննեսյան, Հայաստանի բերդերը, Վենետիկ, 1970, էջ 82: Նույն էջի վրա փաստական վրիպումներ են նկատվում՝ 87-րդ էջում հետազոտողը Թոռնիկին հիշատակում է որպես Մուշեղի որդի, սակայն այնտեղ նրան Մուշեղի թոռ է համարում, իսկ Մուշեղի հայր է համարում Վիդեն 1-ին:

⁵⁷ Ծիրանածինը հիշատակում է Ասմոսատուն բանակաթևը (D. A. I., 50): Հ. էփրիկյանը Թևոփիլոս կայսեր (829—842) կողմից Աշմուշատի ավերումից հետո անմիջապես խոսում է այն մասին, որ XI դարում բերդը Թոռնիկի ձեռքում էր (նշվ. աշխ., էջ 225):

⁵⁸ I. Darroutzès, Deux lettres inédites de Photius aux Arméniens, „Revue des Etudes Byzantines“, t. XXIX, 1971, էջ 139, 147:

⁵⁹ N. Adontz, Observations sur la genealogie des Taronites, EAB, էջ 345:

ենթադրությունը պետք է վերաբերի այն ժամանակաշրջանին, երբ Շիրակում Բագրատունիները հռչակվել էին թագավոր, այսինքն 886 թ. հետո: Ն. Ադոնցը Տարոնի իշխան Աշոտի (մահ. 966/7 թ.) որդիներին՝ Գրիգորին և Բագրատին, 1 համարում Բյուզանդիայի «Տարոնիտներ» ճյուղի հիմնադիր⁶⁰: Իր այդ տեսակետը հիմնավորելու համար Ն. Ադոնցը, քննադատելով Պ. Լորանին, Գրիգորիկի և Դավիթ Արքայիկի որդի Աշոտի կապակցությամբ նշում է, որ ո՛չ մեկը, ո՛չ էլ մյուսը չէին հանդիսանում բյուզանդական «Տարոնիտներ» ճյուղի նախնի⁶¹: Սակայն չի մեծանուն գիտնականը առաջինի մասին իրավացի է, ապա Ծիրանածինի մի հաղորդումից երևում է, որ երկրորդը՝ Դավիթի որդի Աշոտը (ամենայն հավանականությամբ ընտանիքով) և նրա եղբայրը գնացել էին կայսեր մոտ Կոստանդնուպոլիս (IX—X դդ. սահմանադիր) և այլևս Տարոն չէին վերադարձել⁶²: Անկախ նրանից, թե սրանք էին «Տարոնիտների» ճյուղի հիմնադիրը Բյուզանդիայում, թե կես դար անց Աշոտի որդիները, այսինքն Գրիգորիկ Տարոնացու թոռները՝ Գրիգորը և Բագրատը, պետք է ենթադրել, որ Փոտ պատրիարքի (858—867 և 878—886) Զաքարիային գրած նամակներից մեկում հիշատակված «տարոնացիները» Չորրորդ Հայք էին եկել Տարոնից և, չթե պատկանում էին այդտեղի իշխանական տներից մեկին, ապա կարող էին ոչ թե Բագրատունի, այլ Մամիկոնյան լինել, սակայն դա չի նշանակում, թե Մամիկոնյանները լրիվ հեռացել էին Տարոն—Սասունից: Հետևելով Ն. Ակինյանի վերը նշված թեզին, կարելի է ասել, որ Մուշեղի ընտանիքը սերում էր Տարոն—Սասունի Մամիկոնյաններ-Թոռնիկյաններից⁶³: Ինքը, Մուշեղը, պետք է նաև ժամանակակից լինեի Գանձիի ուղի Տաճատին:

Կարծում ենք, որ վերջինիս մասին է խոսվում Մշո Առաքելոց (Ղազարու) վանքի «Ճառընտիրում» («Այս մեր բարձր հրամանաց է գիր եւ մեծի տէրութեան իշխանի Տարանայ եւ ամենայն հայոց Չորտուանէլի՝ որդւոյ Տաճատայ քաջի Մամիկոնոյ, քանզի ես Չորտուանէլ բազում աւուրց լեալ՝ տիրեալ հայրենի աշխարհիս մերում Տարանոյ եւ այլ բազում աշխարհաց, զաւրավիգն ունելով զՔրիստոս եւ զսուրբ խաչն կենարար, եւ հրամանաւ ինքնակալացն Յունաց ոչ զանգիտեցի ի սպառնալեաց եւ յարշաւանաց ազգի Իսմայելացւոց, որք յայսմ ժամանակի մարտեալ կռվին ընդ սուրբ եկեղեցիսն Աստուծոյ եւ ծարաւին հեղման արեան որդւոց սուրբ աւազանին: Եւ մեր ապաւինեալ [ի] վերին ազնակութին, կացեալ արիաբար ընդդէմ բազմահնար եւ շարաշար մարտի:

60 Նույն տեղում, էջ 243: Հետևելով Ն. Ադոնցին, Պ. Խառանխը նույնպես Թոռնիկյաններին Բյուզանդիայի Տարոնիտների ընտանիքի մի ճյուղն է համարում (Ք. Charanis, նշվ. աշխ., էջ 46): Այնինչ Բյուզանդիայի Տարոնիտների ընտանիքը, իրոք, ինչպես կարծում է Ն. Ադոնցը, Տարոնի (սակայն մի մասի—Է. Դ.) Բագրատունիներից էր սերում, իսկ Թոռնիկյաններինը (որոնց, ինչպես նշվեց, Ն. Ակինյանը իրավացիորեն Մամիկոնյան է համարում) հիմնականում պետք է սերեր Տայքի—Դերջանի Մամիկոնյաններ-Թոռնիկյաններից:

61 N. Adontz, EAB, էջ 343:

62 D. A. I., 43. 56—57: Տե՛ս «Պատմա-բանասիրական հանդես», 1978, № 1, էջ 127—128:

63 Նշելով, որ Մուշեղի ընտանիքը Տարոն—Սասունի Մամիկոնյաններ-Թոռնիկյաններից էր սերում, պետք է նկատի ունենալ, որ իրոք այն կարող էր խնամիական կապերի մեջ լինել շրջապատի իշխանական տների հետ, որոնցից հիշատակվում են Պահլավունիների, Մուկրի իշխանական տան, Դեգիբի Կեկավմենոսների հետ եղած կապերը: Դրանց թվին, որոշ վերապահությամբ ընդունելով Ն. Ադոնցի վերոհիշյալ ենթադրությունը, կարելի է դասել նաև Տայքի—Դերջանի Մամիկոնյաններ-Թոռնիկյանների իշխանական տոհմը:

նորա ղամենայն աւուրս կենաց իմոց՝ մինչեւ յետին աւր ծերութեանս իմ, ոչ եղև խաղաղութիւն իմ ընդ նոսա: Եւ ղամենայն աշխարհ, որ ընդ մեր ձեռամբ էր՝ ի խաղաղութիւն պահեալ: Ասլա ղմտաւ ուծի ղար մահուան իմոյ եւ ղյետին ելս իմ յաշխարհէս, գնացի ի սուրբ ուխտ Առաքելոցն՝ Ղաղարու վանաղ... Ես Զորտուանէլ ղուարթ դիմօք եւ յաւժարական կամաւք եւ սրտի մտաւք աւանդեցի եւ ետու ղսալ... ղասլտլակերտս ղհայրենիս... եւ բաղում [...] ջաղաղովն եւ բուրաստանաւք եւ այգեստանաւք... Մնացական հայրենիս՝ Սուրբ Առաքելոցն Ղաղարու վանիցն ի յիշատակ ինձ եւ ծնաւղաց իմոց՝ Տաճատա Մամիկոնոյ եւ մարն իմ Զարմանդիտոյ եւ նախնեաց իմոց քաջարանցն Վենեսա եւ Մեհերա⁶⁴, որք յառաջ քան ղմեղ տիրէին այսմ աշխարհիս...»⁶⁵։ Նույն անձի մասին է խոսվում նաև հունարենից հայերեն թարգմանված «Սահմանագրում» («Ես Զորտուանէլ Մամիկոնեան որդի Տաճատա Մեծի, իշխան Տարաւնոյ եւ ամենայն աշխարհիս Հայոց տեսի ղայս գիր սահմանաց») ⁶⁶։

«Ճառքնտիրում» հիշատակվող Տաճատին Ն. Ադոնցը իրավացիորեն նույնացնում է XII դարի սկզբներին Ուռհայի հետ կապված անցքերի առնչությամբ Ուռհայեցու կողմից հիշատակվող Ասլասաթի հոր՝ «իշխան Տարօնոյ»⁶⁷ Տաճատի հետ, միևնույն ժամանակ եղրակացնելով, որ նրա մյուս որդու անունը Զորդվանել էր։ Սակայն նշում է նաև, որ այս Տաճատը նույն ինքը Մուշեղի որդի Թոռնիկն է, ենթադրելով, որ վերջինիս անունը իր պապի անունով Տաճատ էր, և քանի որ Թոռնիկի որդիներն էին Զորդվանելը և Վասակը, գիտնականը ի ապացույց իր ենթադրության ևս մեկ ենթադրություն է անում, թե «Աբուլասաթ»-ը Վասակ անվան տրաբական ձևն է։ Այսուհանդերձ Ադոնցը նշում է, որ Ուռհայեցին Թոռնիկին և Տաճատին տարբերում է, իսկ դա իր ենթադրության ճշտին չի խոսում, Եվ այնուհետև գրում է, թե ճիշտ է մի բան՝ որ Տաճատի որդի Զորդվանելը պատկանում էր նույն ընտանիքին, ինչ և Թոռնիկը և ներկայացում էր մի այլ ճյուղ, որը իշխում էր Տարոնի արևելյան մասում⁶⁸։

64 Մեհերան պետք է համապատասխանի Մհեր անվանը (Հ. Աճառյան, Հայոց անձնանունների բառարան, հատ. Գ, Երևան, 1946, էջ 415), իսկ Վենեսան, ինչպես նշում է Ն. Ալիշանը, Vincentus > Vincent-ին, որից, նրա կարծիքով, հայերենում առաջ է եկել Վիգեն անունը («Հայապատում», էջ 391, հմտ. N. Adontz, EAB, էջ 239)։ Ինչպես հայտնի է, Վիգեն անունը հանդես է գալիս Տարոն—Սասունի Մամիկոնյաններ-Թոռնիկյանների մոտ, իսկ «Սասունցի Դավիթ» էպոսում դրա բարբառային ձևն է՝ «Վերգո»։ Անունների հիշատակությունը այս ձևով խոսում է, թերևս, այն մասին, որ Զորդվանելի նախնիները ապրելիս են եղել օտար միջավայրում, որպիսին կարող էին լինել Եյուզանդիայի արևմտյան շրջանները ժամանակի ընթացքում այնտեղ հեռացած Մամիկոնյաններից ոմանց համար։ Սակայն նրանք պետք է հուշեր պահպանած լինեին իրենց հայրենի կալվածքների մասին և սերնդե-սերունդ այդտեղ վերադառնալու։ Դույսեր փայփայեին։ Եվ ահա X—XI դդ. սահմանադրին նրանց սերունդներից սկսում են Տարոնում վերահաստատվել, իսկ Զորդվանելի հիշատակությունը (ինչ-որ չափով վիսպական ձևով), թե իր Մեհերա և Վենեսա նախնիներն են այդ հողին տիրել, պետք է վավերացումը լինի այն բանի, որ նա, առանց րնգմիջման, Տարոնը իր պապենական կալվածքն է համարում։

65 Ղ. Ալիշան, Հայապատում, Վենետիկ, 1901, էջ 396—397։ Բ. Սարգսյան, Մայր ցուցակ հայերեն ձեռագրաց, հատ. Բ, Վենետիկ, 1924, էջ 473—476։ Գ. Զովսեփյան, Յիշատակարանք ձեռագրաց, հատ. Ա, Անթիլիաս, 1951, էջ 289—290։

66 Ն. Սարգսյան, Տեղագրությունք ի Փոքր և Մեծ Հայս, Վենետիկ, 1864, էջ 235։ Զ. Ոսկյան, Տարոն—Տուրուբերանի վանքերը, Վիեննա, 1953, էջ 41։

67 Մատթեոս Ուռհայեցի, էջ 310։

68 N. Adontz, EAB, էջ 239—241։

Կարծում ենք, որ Գանձի⁶⁹ որդի Տաճատը նույն ինքը նշված Տաճատ Մամիկոնյանն էր⁷⁰: Եթե մեր այս ենթադրությունը ճիշտ է, ուրեմն իրոր Տաճատը և Մուշեղի որդի Թոռնիկը տարբեր անձինք էին և պատկանում էին Մամիկոնյաններ-Թոռնիկյանների տարբեր ճյուղերին: Այս նույն արամաբանությունը կարելի է ասել, որ Գանձի որդի Տաճատի կինը Զարմանդուխտն էր, իսկ նրանց որդիներն էին բյուզանդական ծառայության մեջ գտնվող Ասլասաթը (սուլանվեց 1112 թ.) և Զորգվանելը: Վերջինս XII դարի առաջին տասնամյակում դեռևս կենդանի էր [«Ի թուին ՇՄԳ (553—1104) ճորտությանել Մամիկոնեան որդի Տաճատայ Մամիկոնենի, իշխան գաւառին Տարօնոյ»]⁷¹: Ղ. Ալիշանը այս «ճորտությանելին» (Զորգվանել) Մուշեղի թոռան՝ Զորգվանելի ժամանակակից է նշում⁷², ուրեմն իրավացիորեն դրանց տարբեր անձինք է համարում: Այն, որ Տաճատի որդի Զորգվանելը և Թոռնիկի որդի Զորգվանելը տարբեր անձինք էին և առաջինը իշխում էր Տարոնի, իսկ երկրորդը՝ Սասունի վրա, երևում է նաև Պողոս Տարոնեցու՝ Թեոփիստե Սարգմանչին գրած մի լղթից, որը բերում է Ն. Ակինյանը. «...իշխանն Հայոց Սասանու... Զորտուանէլս, որդւոյ Թոռնկայ»⁷³:

Ինչպես երևում է, XI դարի 50-ական թթ. Տաճատին հաջորդում է որդին՝

69 Ճիշտ է, նրա մասին «Ճառնտիրում» չի խոսվում, սակայն անուղղակի փաստերի հիման վրա կարելի է ենթադրել, որ այդտեղ հիշատակվող Տաճատի հայրը Գանձին էր. ա) Կարելի է տեսնել, որ Ուռնայեցու կողմից և «Ճառնտիրում» հիշատակվող ժամանակները համընկնում են: Եթե Զորգվանելը 1104 թ. դեռևս կենդանի էր և բավականին պատկառելի հասակ ուներ, ուրեմն նրա հայրը պետք է ապրած լիներ XI դարի առաջին կեսին, և հենց 30-ական թթ. էլ հիշատակվում է Գանձի որդի Տաճատը: բ) Գանձին հիշատակվում է «Իշխան Հայոց» տիտղոսով և նրան «ի տան հայրենեաց իւրոց» [Ա. Կաթանը նշում է «Խազալորությունը» (նշվ. աշխ., էջ 122), սակայն աղբյուրում այդպիսի արտահայտություն չկա] ժառանգեց Տաճատը, որը, ինչպես ենթադրեցինք, նույն Ասլասաթի և Զորգվանելի հայրն էր, որի տիտղոսն էր «Իշխան Տարօնոյ», իսկ այդ երկու տիտղոսները համարյա նույնությամբ կրում էր «Սամանագրում» և «Ճառնտիրում» հիշատակվող Զորգվանելը («Իշխան Տարօնոյ» և «ամենայն աշխարհիս Հայոց»): գ) Եթե Ուռնայեցու մոտ և թե՛ «Ճառնտիրում» ու «Սամանագրում» Տաճատի որդու անունը Զորգվանել է հիշատակվում:

70 Է. Յուզբաշյանը նշում է, որ Գանձի սպանվելուց հետո Բերկրիի կառավարիչ է դառնում նրա որդի Տաճատը (K. Yuzbashian, նշվ. աշխ., էջ 50): Սակայն Ուռնայեցու հաղորդման մեջ ասվեց, որ Տաճատը մնաց «ի տան հայրենեաց իւրոց»: Զափազանց հետաքրքիր է Ա. Ալպոյաճյանի նշումը, որ Գանձի որդի «Տաճատ իշխան Տարօնոյ» 1037 թ. վերջից և 1056 թ. առաջ Տարոնի մեջ կազմված բյուզանդական զինվորական հրամանատարությունում պաշտոն է վարել և բանի որ հետադուրդը նշում է, որ նրա որդին էր Ասլասաթը [Ա. Ալպոյաճյան, նշվ. աշխ., էջ 243], ուրեմն Ուռնայեցու կողմից հիշատակվող Ասլասաթի հորը՝ Տաճատին նույնացնում է Գանձի որդի Տաճատի հետ: Ինչպես տեսնում ենք Ն. Աղոնցը «Ճառնտիրում» հիշատակվող Տաճատին նույնացնում է Ասլասաթի և Զորգվանելի հոր՝ Տաճատի հետ, իսկ Ա. Ալպոյաճյանը Գանձի որդի Տաճատին նույնացնում է Ասլասաթի հայր Տաճատի հետ: Սակայն որքանով կարելի է դատել շարադրանքից, Ա. Ալպոյաճյանը ծանոթ չէ «Ճառնտիրի» հաղորդմանը, ինչպես և չի նշում Ուռնայեցու հիշատակած Տաճատի մյուս որդու՝ Զորգվանելի (Ասլասաթի եղբոր) մասին եղած հիշատակությունը և ավարտում է իր խոսքը, ասելով. «Ասոր (Տաճատի—Է. Դ.) պաշտոնավարության վրա զաղափար չունինք, ինչպես նաև իր հավանական յաջորդներուն» (նույն տեղում):

71 Ղ. Ալիշան, Հայապատում, էջ 396, ծան. 2:

72 Նույն տեղում, էջ 391, ծան. 7:

73 Ն. Ակինյան, նշվ. աշխ., էջ 83, Տե՛ս նաև՝ Ա. Ալպոյաճյան, նշվ. աշխ., էջ 272:

Զորդվանեի⁷⁴, որը, կովկելով թուրք-սելջուկների դեմ, նաև 1071 թ. Մանազկերտի ճակատամարտից հետո շարունակում էր Տարոնում իր ձեռքում պահել որոշ կալվածքներ, որոնց մասին խոսվում է նրա կտակում:

Ա. Կաթղանը Գանձիրն նշում է հայկական ծագում ունեցող այն առանձին սղնձականների շարքում, որոնք շղարձան հայ-բյուզանդական ընտանիքների հիմնադիրներ և որոնց ժառանգները շամբապնդեցին իրենց հայրերի ձեռք բերած դիրքը⁷⁵: Այնինչ, եթե մեր վերը նշված ենթադրությունը ճիշտ է, Գանձիրն, եթե ոչ հայ-բյուզանդական, ապա մոտ մեկ դար դոյատևած ինքնուրույն հայկական իշխանական տան հիմնադիր էր Տարոնում:

XI դարի կեսերից Սասունի իշխանական տունը սկսում է ավելի ուժեղանալ: Մուշեղի որդի Թոռնիկի հղորություն մասին է խոսում այն փաստը, որ նա պարտություն է մատնում սելջուկներին, որոնք 1052 թ. արշավել էին «ի զաւառն Տարօնոյ եւ բռնակալեալ առ ստորոտ լերամբն Տօրոսի (Տաւրոսի—է. Դ.) մերձ ի Սասուն»⁷⁶: Թոռնիկը իր ուժերի վրա վստահ էր նաև այն ժամանակ, երբ Փիլարտոս Վարաժնունին «...կոչեաց զքաջն Թոռնիկ զտէրն Սասնոյ զալ նմա ի հնազանդութիւն»⁷⁷: Սակայն, Ալեկուա դաշտում Թոռնիկը նրան պարտության է մատնում:

Ինչպես տեսնում ենք, Գրիգոր Մագիստրոսի ժամանակ և նրանից հետո, ճինչև իր մահը, Թոռնիկը բավական ուժեղ իշխանության գլուխ էր կանգնած. և ինչպես նշում է Մ. Օրմանյանը՝ «ընդարձակութիւն և զօրութիւն աւելցուցած էր իւր իշխանութեան դեպ Արեւմուտը»⁷⁸:

Ինչպես հայտնի է, Գրիգոր Մագիստրոսի տիրոջան էր «Վասպուրականի և Տարօնոյ և Մանազկերտի, Արճիշոյ, Բերկրոյ, Միջագետաց տէր և Մօնումա-

⁷⁴ Այդ միջոցին Տարոնում, կարճ ժամանակով (1055/56), որպես բյուզանդական իշխանավոր է հիշատակվում «Իվերիայի և Մեծ Հայքի մագիստրոս և զորս» Ահարոնի որդի Թեոդորոսը (տե՛ս Արիստակես Լաստիվերտցի, էջ 96: В. Н. Бенешевич, Три ангийские надписи X века, Петербург, 1921, էջ 9): Ահարոնի այդ տիրոջը, ինչպես նշում է Հ. Բարթիկյանը, երևում է նրա կնիքի վրա եղած մակագրությունից, որը առաջինը կարդացել և հրապարակել է Վ. Ս. Շանդրովսկայան. «Κόρη: ε: ζαγ: θ: *Ααρων μαγιστρος καὶ ὁδουα: Τεγορας καὶ τῆς Μεγαλῆς Ἀρμενίας» (В. С. Шандровская. Неизвестные печати Аарона магистра и дукн Иверии и Великой Армении и проедра и дукн (XI в.). «Сообщения Государственного Эрмитажа». XXXVII, Л., 1973, էջ 61, տե՛ս Р. М. Бартикян, О феме Иверия, էջ 75): Տարոնը Մուշ կենտրոնով հիշատակվում է XI դարում Հայաստանում եղած եպիսկոպոսությունների շարքում, տե՛ս Γω Κελεσιγγῆς: ε: ζαγ: θ: Κορσιγγῆς καὶ Ταρων. γ' αὐτο Μους (տե՛ս E. Honigmann, նշվ. աշխ., էջ 200—201):

⁷⁵ Ճիշտ է, նա արդ դասակարգումը անում է որոշ վերապահությամբ. նշելով. «Мы не всегда можем быть уверенными, что недостаток источников не затемняет нам последующей истории и, что лица, воспринимаемые нами, как аристократы одного поколения в действительности не имели сыновей и дочерей, однако выйти за пределы данного источника весьма затруднительно» (А. П. Каждан, նշվ. աշխ., էջ 121):

⁷⁶ Մատթեոս Ունհայեցի, էջ 130: Պատմիչը նշում է, որ Թոռնիկը ուներ չիտուն հազար հետևակ և վեց հազար ձիավոր (տե՛ս նաև Հ. Մանանդյան, Քննական տեսություն հայ ժողովրդի պատմության, հատ. Գ, էջ 76): Նշված է, որ արաբական աղբյուրները Սասունի իշխանին նույնիսկ կոչում էին «Սասունի թագավոր» [մալիք ալ-Սանասինա, տե՛ս «Հայ ժողովրդի պատմություն», հատ. 3, էջ 484]:

⁷⁷ Նույն տեղում, էջ 206:

⁷⁸ Մ. Օրմանյան, Աղգապատում, § 891: Ինչպես նշվեց, Թոռնիկի ձեռքում էր Աշտուշապ (Վատթեոս Ունհայեցի, էջ 208):

խին մագիստրոս, վէստ և տուկ»⁷⁹։ Ուրեմն Տարոնում իշխող Գանձիի որդի Տաճատը, ապա Ահարոն Բուլղարի որդի Թեոդորոսը⁸⁰ և մի առ ժամանակ Տաճատի որդի Չորդվանելը անմիջականորեն ենթարկվում էին Գրիգոր Մագիստրոսին։ Վերջինիս մահից հետո Չորդվանելը (որի տիրույթը փաստորեն սահմանափակվել էր Տարոնի մի հատվածով), սկսեց և ավելի քիչ քաղաքական կշիռ ունենար, քան Մուշեղի որդի Թոռնիկը։ Հավանաբար Չորդվանելը Թոռնիկի հետ միասին էր կոչվում թուրք-սելջուկների դեմ⁸¹։ Վերջիններիս ասպատակությունները բավականին թուլացրել էին Հայաստանում բյուզանդական վարչական միավորների դիրքերը։ Նույնիսկ այնպիսի վիճակ էր ստեղծվել, որ 1058 թ. «...զօրքն Հոռոմոց յարձակեցան զհետ թուրքին, և ի հասաննն նոցա՝ ու համարձակեցան պատերազմել ընդ նոսա, այլ դարձան խաղաղութեամբ ի Հոռոմս» և միայն Թոռնիկն էր, ինչպես վերը տեսանք, որ հաջորդ տարվա զարնանը թուրքերին ջարդ տվեց⁸²։ Սակայն Թոռնիկը XI դարի 70-ական թթ. սկզբներին նենգաբար սպանվում է մի դարանակալ թուրքի կողմից, որին ուղարկել էր Փիլարտոսը⁸³։

Թոռնիկից հետո մնացին «իւր երկու որդի՝ Չորտուանելն և Վասակ՝ ի տղայական հասակի»⁸⁴։ Սասունի Թոռնիկյանների մոտ Չորդվանել անունը, ինչպես

79 «Գրիգոր Մագիստրոսի թղթերը», էջ 213։ Կ. Յուզբաշյանի կարծիքով այս հատվածի հիման վրա նարավոր չէ առանց վերապահության պնդել, թե Գրիգորը գլխավորում էր երեք թեմ՝ Միջագետքի, Տարոնի և Վասպուրականի։ Նա գտնում է, որ Գանիկին ուղղված նամակում Գրիգորը թվարկում է տարբեր ժամանակներում կրած իր տիտղոսները, բայց «խիտոնիտից»։ Նշում է նաև, որ Թոռնիկը կախում ուներ Գրիգոր Մագիստրոսից (Ք. Yuzbashian, նշվ. աշխ., էջ 147—148)։ Ինչ վերաբերում է Գրիգոր Մագիստրոսի գլխավորած թեմերի մասին աղբյուրի հաղորդմանը, ասա ճիշտ է Կ. Կոստանյանցը այն հավաստի համարելով (հմտ. թշուր ժողովրդի պատմություն, հատ. 3, էջ 454), քանի որ դա վերաբերում է այն ժամանակաշրջանին, երբ կայսրությունը կարիք ուներ նման միջոցառման («Գրիգոր Մագիստրոսի թղթերը», էջ 107, 108)։

80 Թեոդորոսի մասին կասկածներ չկան զրոյում է. «Իսկ ի կողմանս Տարոնոյ Թեոդորոս որդի Ահարոնի, զոր Աւանն կոչէին ըստ իւրեանց լեզուին, զգիրն պակաս ունելով, որ նա էր իշխան գաւառին» (էջ 96)։ Հայկազյան բառարանում այս հատվածը ճիշտ է մեկնաբանված [...զոր Աւան (կամ Առանն) կոչէին ըստ իւրեանց լեզուին զգիրն (հ) պակաս ունելով], «նոր բազիրք Հայկազեան լեզուի», Վենետիկ, 1837, էջ 534], սակայն այն սխալ են թարգմանել աշխարհաբար և՛ Մ. Տեր-Պետրոսյանցը (Աղեքսանդրապոլ, 1893, էջ 11) և՛ Վ. Գևորգյանը (Երևան, 1971, էջ 66), իբրև թե Թեոդորոսը զավառի իշխան էր առանց գրավոր հաստատման։ Նույն հատվածը իմնականում ճիշտ են մեկնաբանել ուսերեն Վ. Բենեշևիչը (նշվ. աշխ., էջ 9, ծան. 2) և Կ. Յուզբաշյանը («Известия...», էջ 105), թեև վերջինս ուսերեն տեքստում ավելացնում է «պարսիկներ» (իբրև թե նրանք էին այդպես անվանում) բառը, որը բնագրում չկա (տե՛ս նաև էջ 167)։ Նշենք, որ Անիի Մայր տաճարի արևելյան պատին գտնվող մի արձանագրությունից հայտնի է «Առան» ձևը (Ալիշան, Շիրակ, էջ 70։ Զ. Օրբելի, Անի քաղաք, տե՛ս «Դիվան հայ վիճագրություն», պրակ 1, Երևան, 1966, էջ 38 և այլն)։ Թեոդորոսը մահացու վերք է ստանում, ինչպես նշում է նույն տեղում կասկածներ չկան, թուրքերի դեմ կոմսաձագերի հետ ազգակցական կապեր ունենալու պատճառով նա ևս պետք է Մամիկոնյանների շահավիղներից սերեր։

81 Նշանակալից են Ղ. Ալիշանի հետևյալ տողերը. «Վասպուրականի և Արծրունյաց դրակից աշխարհին՝ Տուրուբերանո մեջ՝ երկու անվանք զավառք կան, որք ավելի երկար ատեն հայկական իշխանություն և պայազատություն պահեցին» («Շնորհալի և պարագա յուր», էջ 107)։

82 Մատթեոս Ուռհայեցի, էջ 130։

83 Նույն տեղում, էջ 208—209։

84 Նույն տեղում, էջ 210։ Այս, ինչպես նշում է Ուռհայեցին, Գրիգորիս (Վահրամ-Գրիգոր) Բ Վկայասեր կաթողիկոսի (1066—1105) ժամանակ էր, նա Գրիգոր Մագիստրոսի որդին

տեսնում ենք, հանդես է դալիս XI դարի երկրորդ կեսին, երբ քաղկեդոնականությունը արդեն քաղաքական երանդը կորցրել էր: Տարոն—Սասունի համար ստեղծված քաղաքական իրավիճակը XI դարի երկրորդ կեսին և XII դարում կարող էր նպաստել հայ միաբնակ (լուսավորչական, որը գերակշռող էր) և երկաբնակ (քաղկեդոնական) դավանանքներին հետևող Մամիկոնյան-Թոռնիկյանների մերձեցմանը⁸⁵, որի հետևանքով մինչև XII դարի 80-ական թթ. ընդարձակվեց և գոյատևեց Տարոն—Սասունի Մամիկոնյաններ-Թոռնիկյանների իշխանությունը:

Թոռնիկի թոռան՝ Վիգենի⁸⁶ օրոք այդ իշխանական տան սահմանները արևմուտքում հասնում էին մինչև Դեգիբ գավառը: Նույն ժամանակաշրջանում (XII դարի 30-ական թթ.) Մամիկոնյան-Թոռնիկյանների իշխանական տունը սլաքարի մեջ մտավ հղորացած Շահարմենների հետ⁸⁷:

Վիգենի որդիներից Չորղվանելը ամուսնացավ Պաշլավունի Վասիլի⁸⁸ դստեր՝ Վանենիի⁸⁹ հետ, իսկ ղուստրը՝ Կառան, Դեգիբի Կեկավմենոսների⁹⁰ ընտանիքից Շահինշահի⁹¹ հետ «և սուրբ ամուսնութեամբ ծնեալ մանուկ մի, որոյ անուն է Շահմեկեք»⁹²:

Չորղվանելը մահացավ 1165 թ. իր հոր՝ Վիգենի և մոր՝ Մելեքսի⁹³ կեն-

էր (Վարդան, էջ 102, Մ. Օրմանյան, Սզղապատում, § 876—915): Ա. Տեր-Ղևոնդյանը նշում է, որ ըստ արաբ պատմիչ Ֆարիկիի վկայության, Սասունի իշխանը տիրացավ Երեսուն գյուղի՝ շրջակա ընկուզենու անտառով: Դա հետևանք էր Աղձնիքում Սասունի թշնամի Մրվանյանների իշխանության քայքայման («Հայ ժողովրդի պատմություն», հատ. 3, էջ 485—486):

85 Կ. Կոստանյանցը Գրիգոր Մագիստրոսի խոսքերի («Բայց դու, Մամիկոնեան, որ համոզեան հաւանեցար Ղեւոնեան ընդարձակագոյն տօմարի...») վրա հիմնվելով, նշում է, որ Թոռնիկ Մամիկոնյանը քաղկեդոնիկ էր («Գրիգոր Մագիստրոսի թղթերը», էջ 314, հմտ. Ն. Ա. Կինյան, նշվ. աշխ., էջ 53):

86 «Որդոյ Չորղ[ու]անելի» (տե՛ս «Յիշատակարանը ձեռագրաց», էջ 397: «Հայապատում», էջ 391, 393):

87 Վարդան, էջ 123—124: Այն հաղորդումը, թե Սասունի իշխանությունը ասպատակությունների էր ենթարկվել հարևանների կողմից, ըստ երևույթին վերաբերում է կամ Խլաթի Սուքմանյաններին, կամ Աղձնիքի Արտուխյաններին («Հայ ժողովրդի պատմություն», հատ. 3, էջ 486):

88 «Եղբոր տեան Գրիգորիսի (Գրիգոր Գ Պաշլավունի 1113—1166, տե՛ս Մ. Օրմանյան, նշվ. աշխ., § 927—960) Հայոց կաթողիկոսի» («Յիշատակարանը ձեռագրաց», էջ 430: «Հայապատում», էջ 394):

89 Սույն հոդվածին կից տոհմաժառի Պաշլավունիների ճյուղը վերցրել ենք Ղ. Ալիշանի «Շնորհալի է պարագա յուր» աշխատությունից (էջ 12 և 13 միջև): Վանենիի մասին նա ոչ թե այդտեղ է խոսում, այլ 28 տարի անց հրատարակված «Հայապատմում»:

90 Տե՛ս H. Bartikian, La généalogie du magistros Bagarat, catépan de l'Orient et des Kékauménos, „Revue des Études Arméniennes“, II, Paris, 1965, էջ 271: Տե՛ս նաև Советы и рассказы Кекавмена, подготовка текста, введение, перевод и комментарии Г. Г. Литаврина, М., 1972, էջ 413:

91 «Որդոյ Գրիգորի, թոռին Կատակալոսի, որդոյ Կամենի Մեծի» («Հայապատում», էջ 394: «Յիշատակարանը ձեռագրաց», էջ 401):

92 Նույն տեղում:

93 «Իր էյաղգէ Արծրունի և ի շառաիղէ Սրբոյն Վարդանայ, ղուստր մեծ իշխանին Մոկաց Հմայեկի» («Հայապատում», էջ 393: «Յիշատակարանը ձեռագրաց», էջ 398): Ա. Ալպոյաձյանը ենթադրում է, որ Վիգենը հավակնում էր «ինքզինքն կոչելու թագավոր» հետևյալով իր կնոջ տրված «Մելիքսի» այսինքն թագավորի կին (Մելեք—թագավոր, յիթի—կին) կոչումեն և հիշատակարանին իսկ թագուհի թացատրութենեն, տրված Վիգենի կնոջ» (նշվ. աշխ.,

դանության օրոք, թողնելով հրեք որդի՝ Վասիլ, Շահինշահ և Թոռնիկ⁹⁴, 1175 թ. Վիգենին է հաջորդում թոռը՝ Շահինշահը, որին բեկ-Թեմուրը պարտության մատնեց⁹⁵, Շահինշահը իր եղբայրների հետ 1188 թ. ստիպված եղավ հեռանալ Կիլիկիա⁹⁶:

Տարոն—Սասունի Մամիկոնյաններ-Թոռնիկյանների շառավիղները պետք է որ հաստատվեին Սասունի դժվարամատչելի շրջաններում, որտեղ ժողովուրդը, պահպանելով իր ազատատենչ ոգին, պայքարում էր օտար լծի դեմ: Այս միջավայրում շարունակում է ձևավորվել «Սասունցի Դավիթ» էպոսը⁹⁷, որը պարունակում է վայելիք քոչվոր զավթիչների դեմ հայ ժողովրդի դարեր շարունակ մղած հերոսական պայքարի պատգամներ:

МАМИКОНЯНЫ-ТОРНИКЯНЫ ТАРОНА И САСУНА (XI—XII вв.)

Э. Л. ДАНИЕЛЯН

(Резюме)

С конца X в. в качестве византийского правителя Тарона, по всей вероятности, выступает упоминаемый Маттеосом Урхаеци Гандзи (видимо, отпрыск находившихся в Византии Мамиконянов), от которого берет начало княжеский дом в Тароне, просуществовавший более ста лет. Представителями его были сын Гандзи Тачат и внуки Апласат и Чордванел. Сасунские же Мамиконяны-Торникяны (представителями которых были Мушег, Торник, его сын Чордванел, Виген и др.) сумели сохранить самостоятельность и настолько усилились, что уже во второй половине XI в. противостояли агрессии тюрок-сельджуков.

После поражения Византии при Маназкерт (1071 г.) халкидонитство теряет политическую остроту в бывших подвластных территориях империи, и в княжеских доменах Мамиконянов-Торникянов Тарона—Сасуна выступает лишь в качестве вероисповедания, значительно уступающая монофизитству.

В первой четверти XII в. представители Сасунского княжеского дома заняли господствующее положение во всех владениях тарон-сасунских Мамиконянов-Торникянов, которые на западе уже доходили до гавара Дегик, находившегося в области слияния р. Арацани с Ев-

էջ 272): Անհրաժեշտ է նշել, որ նմանօրինակ անունները միջնադարյան Հայաստանում տարածված են եղել:

⁹⁴ «Հայապատում», էջ 394: «Յիշատակարանը ձեռագրաց», էջ 400:

⁹⁵ Վարդան, էջ 133: Շահինշահի օրոք Սասունի մասին մանրամասն տե՛ս «Հայ ժողովրդի պատմություն», հատ. 3, էջ 486—487:

⁹⁶ Շահինշահը Լևոն II-ից (1187—1219) ստանում է Սելեկիա ամրոցը («Սմբատայ Սպարապետի Տարեգիրք», Վենետիկ, 1956, էջ 200—201, համտ. «Հայապատում», էջ 391 և 393, ծան. 7): Այդ անցքերի թվագրումը «ՈՒԷ» (-1118) թ. («Հայ ժողովրդի պատմություն», հատ. 3, էջ 487) պետք է վրիպակ համարել, քանի որ Սմբատը հաղորդում է՝ «ՈՒԷ» (=1188) թ.:

⁹⁷ Մ. Արևիյան, Հայոց հին գրականության պատմություն, գ. 1, Երևան, 1944, էջ 427, գ. 2, 1946, էջ 69: N. Adontz, EAB, էջ 236:

фратом, принадлежавшего княжескому роду Кекавменов, с которыми те породнились. Из-за внешней агрессии некоторые представители княжеского дома Тарона-Сасуна были вынуждены в конце 80-х гг. XII в. переселиться в Киликию.

Отпрыски тарон-сасунских Мамиконянов-Торникянов, должно быть, обосновались в труднодоступных местах Сасуна, свободолюбивое население которого боролось против иноземного владычества. В этой среде продолжает складываться эпос «Давид Сасунский», содержащий яркие эпизоды многовековой героической борьбы армянского народа против полудиких завоевателей-кочевников.